



Gwasanaeth
Mabwysiadu
Cenedlaethol

National
Adoption
Service

Cyflawni Mwy Gyda'n Gilydd /
Achieving More Together


Adolygiad Canol Blwyddyn 2020/21



Cyflwyniad

Y Gwasanaeth Mabwysiadu Cenedlaethol (GMC) yw'r fenter gydweithredol ledled Cymru ar gyfer darparu gwasanaethau mabwysiadu; ei rôl yw gwella gwasanaethau mabwysiadu er budd pawb sy'n cael eu heffeithio gan fabwysiadu yng Nghymru.

Drwy ei strwythur cenedlaethol/rhanbarthol/lleol ar gyfer gwasanaethau mabwysiadu Awdurdodau Lleol a'i bartneriaeth ag Asiantaethau Mabwysiadu Gwirfoddol, lechyd, Addysg ac eraill, mae'r GMC wedi bod yn gwella gwasanaethau ers 2014. Nodir ein blaenoriaethau presennol isod.



Mae'r adroddiad hwn, sydd wedi'i ysgrifennu gyda chyfraniad gan wasanaethau a rhanddeiliaid ledled Cymru, yn rhoi'r wybodaeth ddiweddaraf am ein gwaith a blaenoriaethau eleni.

Rydym yn gobeithio y bydd yr adroddiad yn ddefnyddiol i'r rhai sy'n defnyddio ein gwasanaethau, gweithwyr proffesiynol yn ogystal â Llywodraeth a Gweinidogion Cymru.

Rhagair

Wrth i ni edrych ar hanner cyntaf eleni, mae gennym lawer o edmygedd i bawb sydd wedi gweithio gyda ni i gadw gwasanaethau i weithredu mewn cyfnod mor heriol. Mae hefyd yn rhoi hyder i ni bod hyn yn ein rhoi mewn sefyllfa dda i barhau i wneud hynny am weddill y flwyddyn.

Mae'r edmygedd yn bendant ar gyfer mabwysiadwyr Cymru a hefyd i bobl eraill fel gofalconwyr maeth, sydd wedi mynd i drafferth eithriadol i beri i bethau ddigwydd ar

gyfer eu plant wrth ymdopi a gweithio gartref, addysgu gartref a llawer o bethau eraill hefyd.

Hefyd yn sicr, mae ar gyfer y gwaith manwl a medrus sy'n cael ei wneud gan staff a rheolwyr sy'n gweithio ym maes mabwysiadu a gwasanaethau cysylltiedig eraill sydd, mewn amgylchedd hynod heriol, wedi dangos ymrwymiad a dyfeisgarwch enfawr wrth wneud pethau'n wahanol wrth hefyd ymdopi a phethau tebyg.

Dechreuom y flwyddyn gyda chynlluniau cyffrous i barhau â'n gwelliant o ran gwasanaethau mabwysiadu ledled Cymru a chawsom ein hunain yn gorfod gwneud newidiadau sylweddol yn gyflym ac mewn ffordd na allem wedi'i dychmygu o'r blaen.

Yn olaf, diolch i Lywodraeth Cymru a Chymdeithas Llywodraeth Leol Cymru am eu cefnogaeth sy'n galluogi i ni barhau i ddarparu gwasanaethau mabwysiadu.

Fodd bynnag, rydym wedi addasu; a thrwy waith caled pawb rydym wedi llwyddo i gefnogi hyd yn oed mwy o deuluoedd wrth iddynt ddechrau ac yn parhau â'u teithiau mabwysiadu yn ogystal a pharhau i wella'r gwasanaeth.

Felly diolch yn fawr iawn i bob mabwysiadwr, staff yn ein rhanbarthau, awdurdodau lleol ac Asiantaethau Mabwysiadu Gwirfoddol (AMGau) yn ogystal â'n partneriaid ledled Cymru.



Cyd-gadeirydd
Bwrdd
Llywodraethu



Cyd-gadeirydd Bwrdd
Llywodraethu



Cyfarwyddwr

Covid-19

Dechreuom y flwyddyn fusnes 2020/21 yng nghanol cyfnod cloi cenedlaethol oherwydd y pandemig Covid-19. Cafodd gwasanaethau Asiantaethau Mabwysiadu Rhanbarthol a Gwirfoddol yn ogystal â'r Tîm Canolog eu cymeradwyo am y ffordd maent wedi addasu ac wedi cadw'r gwasanaeth i fynd trwy'r pandemig. Yn anochel, bu effaith ar nifer ac amserlenni rhai elfennau o ddarparu gwasanaethau ond mae hyn yn llai nag y gellid ei ragweld hyd yn hyn; mae darparu gwasanaethau wedi parhau a bu perfformiad yn dda. Mewn rhai meysydd gwasanaeth e.e. cymorth mabwysiadu, llwyddodd y gwasanaethau i fod yn fwy rhagweithiol ac mae teuluoedd wedi gwerthfawrogi hyn.

Datblygwyd llawer o fentrau er mwyn cefnogi gwasanaethau mabwysiadu i weithredu.

Recrwtio

- Cytunodd Llywodraeth Cymru i ymlacio gweithredu'r broses dau gam newydd ar gyfer asesu a chymeradwyo mabwysiadwyr o 1 Ebrill ac wedi ymgynghori wedyn ar newid y Rheoliadau er mwyn parhau â hyn hyd y gellir ei ragweld.
- Cafodd canllawiau ar weithio o fewn y trefniadau hyn eu datblygu a'u cyhoeddi.
- Cafodd 'Pecyn Adnoddau' o ymarferion a deunydd darllen i ddarparu fabwysiadwyr ei ddatblygu a'i gyhoeddi.
- Datblygodd rhanbarth y Fro, y Cymoedd a Chaerdydd (VVC) broses ar gyfer asesiadau rhannol ar-lein/ rhannol mewn person a gafodd ei rhannu ledled Cymru.
- Cytunwyd a gweithredwyd proses ar gyfer asesiadau Meddygon Teulu 'rhithwir' sy'n galluogi ochr feddygol asesiadau i barhau.
- Mae marchnata wedi parhau mewn ffordd sy'n sensitif i'r sefyllfa gan gynnwys, yn ddiweddarach, ailadrodd yr ymgyrch genedlaethol.

Lleoli plant

- Datblygwyd a chyhoeddwyd Fframwaith i helpu wrth wneud penderfyniadau am symud plant i mewn i'w cartrefi mabwysiadol newydd. Mae hyn yn cefnogi pob rhanbarth ac AMGau er mwyn symud plant i mewn i'w cartrefi mabwysiadol.

Cymorth Mabwysiadu

- Cafodd tudalennau gwefan Cenedlaethol a Rhanbarthol/ AMG eu diweddarau'n rheolaidd gyda gwybodaeth ddefnyddiol.
- Roedd gwasanaethau'n rhagweithiol wrth gysylltu â theuluoedd a chynigiwyd cyngor a gweithgareddau digidol/ar-lein gan gynnwys mynediad at y rhai a ddatblygwyd gan eraill e.e. gwasanaeth seicoleg rhanbarth De-ddwyrain Cymru (SEWAS).
- Mae ein gwasanaethau cymorth newydd a gomisiynwyd, sef TESSA a Connected, wedi parhau i weithredu'n rhithwir ac maent wedi cynyddu nifer y teuluoedd plant a phobl ifanc a gefnogir.
- Dygwyd rhoi'r gyfres o fodiwlau 'Hyfforddiant Ôl-gymeradwyo i Fabwysiadwyr' ar y wefan ymlaen fel eu bod ar gael i'w defnyddio.
- Sicrhawyd bod cyngor a chymorth ar gael i deuluoedd fel bod plant yn dychwelyd i'r ysgol, roedd hyn yn cynnwys llyfr dwyieithog hyfryd newydd

'Sammy y Sloth yn Mynd yn Ôl i'r Ysgol' wedi'i ysgrifennu gan aelod o staff yng ngwasanaeth Canolbarth a Gorllewin Cymru a thrafodaethau Gweminar a ddarparwyd gan Adoption UK (AUK).

Cyfathrebu

- Diwygiwyd y wefan Genedlaethol i roi gwybodaeth berthnasol am Covid-19 ar yr Hafan, gan roi cyfeiriadau trwodd i fanylion ddiwedderir yn rheolaidd ar argaeledd gwasanaethau, cymorth mabwysiadu ayyb. Gwnaeth y rhan fwyaf o Ranbarthau ac AMGau yr un peth i'w gwefannau hefyd.
- Sefydlwyd cyfarfodydd gweithredol rheolaidd ar gyfer Rhanbarthau ac AMGau a darparwyd diweddariadau e-bost rheolaidd i aelodau'r Bwrdd Llywodraethu ac i eraill.
- Gan weithio gyda Cowshed bu cysylltiadau cyhoeddus cadarnhaol a storïau newyddion rheolaidd am fabwysiadu.
- Comisiynwyd tair gweminar dysgu a datblygu o AFA Cymru ac maent ar y wefan. Gan ganolbwyntio ar y cyd-destun cyfreithiol, asesu mabwysiadwyr yn rhannol o bell a chynllunio i symud plant ymlaen, mae'r rhain er mwyn cefnogi staff sy'n gweithio mewn ffyrdd gwahanol.

Cyffredinol

- Datblygwyd 'Fframwaith ar gyfer Datblygu Gwasanaethau' y Gwasanaeth Mabwysiadu Cenedlaethol er mwyn cefnogi gwasanaethau i symud rhwng y lefelau gwahanol o gyfyngiadau wrth ymgorffori dysgu.
- Blaenoriaethodd y Tîm Canolog ddarparu cyngor i Lywodraeth Cymru gan gynnwys Rhanbarthau ac AMGau fel y bo'n briodol.
- Rhoddwyd casgliad perfformiad byrrach ar waith ar gyfer hanner cyntaf blwyddyn fusnes 2020/21.
- Fodd bynnag, rydym, lle y bo'n bosibl, wedi cefnogi ymdrechion yr AMGau i gynnal parhad busnes a llif arian yn uniongyrchol a thrwy eirioli ag eraill.

Ar adeg ysgrifennu, mae rhai heriau parhaus e.e. argaeledd mewnbwn Meddygon Teulu i archwiliadau meddygol, a gweithir ar hyn o hyd mewn rhai rhannau o Gymru. Yn fwy diweddar mae cyfnodau cloi wedi arwain at ail-dynhau arferion mewn rhannau o Gymru ac mae effaith hyn drwy'r misoedd i ddod ochr yn ochr ag unrhyw gyfyngiadau i'w gweld o hyd. Fodd bynnag, mae gwasanaethau mewn sefyllfa dda i barhau â'u darpariaeth gwasanaeth wedi'i haddasu hyd y gellir rhagweld.


Mae gweddill yr adroddiad hwn yn rhoi'r wybodaeth ddiweddaraf am gynnydd yn erbyn ein cynlluniau a'n perfformiad presennol.

Blaenoriaeth 1 - Lleoli mwy o blant


- a. Cynyddu'r broses o recriwtio mabwysiadwyr er mwyn bodloni nifer ac anghenion plant sy'n aros

Mae effaith Covid wedi cael llai o effaith nag y disgwyliwyd ar ganol y flwyddyn. Fel y disgwyliwyd, gostyngodd perfformiad yn sylweddol yn ystod chwarter 1 tra bod y gwasanaeth yn addasu i ffyrdd gwahanol o weithio, ond cynyddodd yn ystod chwarter 2. Mae rhagfynegiadau blwyddyn gyfan geidwadol, gan gymryd y gall darpariaeth barhau ar lefel debyg am weddill y flwyddyn, yn awgrymu y byddwn o bosibl yn dod yn agos at gyflawni lefel debyg o berfformiad ag yn 2019/20.


Mae'r lefel o ymholiadau i wasanaethau wedi cynyddu gan 26%.




Mae nifer yr asesiadau ar fabwysiadwyr sy'n dechrau yn addawol iawn a rhagwelir y bydd yn cynyddu gan 20% o gymharu â 2019/20.




Gostyngodd nifer a rhagfynegwyd y cymeradwyaethau mabwysiadwyr o'u cymharu â'r un cyfnod yn 2019/20 ond ar hyn o rhagfynegwyd y bydd yn gwella erbyn diwedd y flwyddyn.



Hyd yn hyn, ni effeithir yn gymharol ar amserlenni o'r cais hyd at gymeradwyo'r mabwysiadwr.



Mae nifer y plant sy'n aros yn parhau i ostwng



Bu cynnydd mewn amserlenni plant yn mae hyn oherwydd y gwaith asesu risg manwl iawn sydd bellach yn digwydd cyn y gellir lleoli plentyn.



b. Defnyddio'r 'Gwasanaeth Mabwysiadu gyda'n Gilydd' ar gyfer plant sy'n aros hiraf.



Cafodd y gwasanaeth Mabwysiadu Gyda'n Gilydd gan AMGau Cymru ar gyfer y sector er mwyn lleoli'r plant sy'n aros hiraf. Mae 4 cydran i'r gwasanaeth arbenigol hwn:

Hyfforddiant a Recriwtio

- Recriwtio mabwysiadwyr yn benodol (recriwtio sy'n benodol i blentyn ac wedi'i dargedu)
- Digwyddiadau proffilio a arweinir gan fabwysiadwyr
- Hyfforddiant therapiwtig wedi'i wella i fabwysiadwyr a gofalwyr maeth;

Cyfarfod Tîm ar gyfer y Plentyn

- Cyfarfod Tîm ar gyfer y Plentyn cyn paru'n ffurfiol - arweinir gan Seicolegydd Clinigol
- Bydi Mabwysiadu Gyda'n Gilydd;
- Sesiynau Pontio Therapiwtig
- Sesiynau Pontio Therapiwtig trwy chwarae strwythuredig - cyn, yn ystod ac ar ôl symud at y teulu mabwysiadol, wedi'i oruchwylio gan seicolegydd clinigol drwyddi draw; a

Cyfarfodydd Ymgynghori Seicolegol

- Tri chyfarfod ymgynghori ar ôl lleoli ar gyfer mabwysiadwyr gyda'r un Seicolegydd Clinigol.

Bu'r Gwasanaeth Mabwysiadu Gyda'n Gilydd yn gweithio gyda 36 o blant yn ystod hanner cyntaf y flwyddyn gan gynnwys:

- 2 blentyn yn cael eu lleoli gyda'u teulu am byth;

- 4 ymgyrch recriwtio sy'n benodol i'r plentyn sydd wedi creu 38 o ymholiadau;
a
- 5 plentyn yn cael eu paru o ganlyniad i sesiwn broffilio ar-lein.

Mae'r grŵp seicoleg cymorth mabwysiadwyr wedi derbyn adborth cadarnhaol llethol ac wedi cefnogi mabwysiadwyr yn ystod misoedd cyntaf y cyfnod cloi.

c. [Parhau i sefydlu Cofrestr Fabwysiadu Cymru er mwyn cyflymu paru plant trwy hysbysu plant a mabwysiadwyr yn gyflymach yn unol â'r rheoliadau diwygiedig](#)




Cofrestr Fabwysiadu **Cymru**
Adoption Register **Wales**

Mae Cofrestr Fabwysiadu Cymru (CFC) yn parhau i gael ei defnyddio i gefnogi dod o hyd i deuluoedd ar gyfer plant. Mae'n ofynnol i'r holl blant a mabwysiadwyr gael eu hychwanegu at CFC un mis ar ôl i'w Gorchymyn Lleoli gael ei wneud ac un mis ar ôl ei gymeradwyo, yn y drefn honno, neu'n gynt os yw'n briodol. Yn ystod y cyfnod adrodd hwn ychwanegwyd 135 o blant i'r CFC, 39% ohonynt mewn grwpiau o frodyr neu chwiorydd. Hefyd cafodd 88 o deuluoedd mabwysiadol eu hychwanegu sy'n gynydd o ran perfformiad o'i gymharu a'r un cyfnod yn 2019/20.

Blaenoriaethu 2 - Parhau i wella cymorth mabwysiadu

Yn 2016, datblygodd GMC ei gynllun strategol ar gyfer datblygu gwasanaethau cymorth mabwysiadu yng Nghymru.

Gyda'i symbol ymbarél nodedig, y weledigaeth dros amser oedd gwarantu 'Cynnig Craidd' o gefnogaeth i holl blant a phobl ifanc mabwysiedig Cymru a'u rhieni yn ogystal ag i eraill yr effeithir arnynt gan fabwysiadu.



Y bwriad oedd y byddai'r 'Cynnig Craidd' hwn yn:

- paratoi teuluoedd mabwysiadu ar y cychwyn ac yn cefnogi eu dyddiau cynnar er mwyn annog teuluoedd iach a hyderus;
- darparu gwybodaeth, cyngor neu gymorth effeithiol ar gyfer mabwysiadu yn ôl yr angen ac mewn modd amserol fel bod unrhyw faterion sy'n codi yn llai tebygol o waethygu; a
- darparu cymorth parhaus neu ail-fynediad hawdd at wasanaethau lle bo angen hynny.

Rhodddwyd hwb enfawr i wireddu'r weledigaeth hon pan gyhoeddodd Llywodraeth Cymru becyn buddsoddi gwerth £2.3 miliwn o Ebrill 2019. Mae'r adran hon yn rhoi manylion am sut y cafodd y buddsoddiad ei ddyrannu gan ddangos y gwelliant yn y gwasanaethau a rennir.

a. Gweithredu'r Fframwaith Cymorth Mabwysiadu a chynlluniau buddsoddi

Rydym bellach yn yr ail flwyddyn o gyllid a bu'r cynnydd o ran darparu gwasanaethau yn rhyfeddol. Mae Covid-19 wedi effeithio ar wasanaethau sy'n cael eu darparu'n bersonol fel arfer. Fodd bynnag, mae hyn wedi cael llai o effaith nag y rhagwelwyd ar y dechrau oherwydd staff anhygoel sydd wedi datblygu gwasanaethau arloesol ar-lein a fu'n llwyddiannus iawn. Bydd rhai elfennau'n parhau ar ôl Covid-19 gan ei fod yn caniatáu i fwy o ddigwyddiadau gael eu cynnal yn enwedig mewn rhanbarthau sy'n ddaearyddol amrywiol.

Gwerthusiad o'r Fframwaith Cymorth Mabwysiadu

Mae'r sefydliad academiaidd, y Sefydliad Gofal Cyhoeddus ym Mhrifysgol Oxford Brookes, wedi cael ei gomisiynu i wneud y gwerthusiad sydd ar y gweill. Daeth yr

adolygiad cyflym a wnaed yn ystod mis Mai 2020 â chanfyddiadau allweddol o ymchwil presennol y DU at ei gilydd ar:

- anghenion a nodweddion plant mabwysiedig a'u teuluoedd mabwysiadol.
- y ffordd orau o ymgysylltu â'r teuluoedd hyn yn effeithiol mewn ystod o gymorth; a'r
- sylfaen dystiolaeth ar gyfer gwasanaethau ac ymyriadau cymorth mabwysiadu penodol.

Bydd yr adolygiad hwn yn arwain gweithgarwch yn ystod ail hanner yr flwyddyn gan gynnwys y gweithgarwch gwerthuso a fydd yn cynnwys arolwg ar-lein o deuluoedd mabwysiadol Cymru ac o weithwyr proffesiynol yn ogystal ag gwaith dilynol manwl 'yn bersonol' gyda sampl llai er mwyn darparu gwybodaeth ansoddol ychwanegol. Dilyniir hyn gan adrodd yn ffurfiol ar ganfyddiadau y byddwn yn eu cyhoeddi.



Mae TESSA (Gwasanaethau Cymorth Therapiwtig ac Addysgol ar gyfer Mabwysiadu) yn rhaglen 5 mlynedd a ariennir gan y Loteri Genedlaethol ac a arweinir gan Adoption UK, sy'n digwydd yng Nghymru, Lloegr a'r Alban. Yng Nghymru mae buddsoddiad ychwanegol gan Lywodraeth Cymru a'r GMC wedi ei wneud yn bosibl i gyflwyno'r rhaglen yn raddol ar dros y wlad gyfan ac erbyn mis Medi 2020 roedd yn gweithio ar ei hanterth, gan gymryd 18 o atgyfeiriadau ar gyfartaledd bob mis.

Nod y rhaglen yw datblygu a rhoi prawf i wasanaeth ymyrraeth gynnar ar gyfer teuluoedd mabwysiadol. Mae'r ymyrraeth ar y pwynt lle mae'r rhieni'n teimlo nad yw pethau'n mynd yn ddidrafferth ond cyn bod y sefyllfa'n gwaethygu i fod yn argyfwng. Mae'r model yn seiliedig ar y ddealltwriaeth bod y berthynas rhwng plentyn a'i rieni neu ei ofalwyr yn brif allwedd i'r ddatblygiad yn y dyfodol. Mae'n seiliedig ar yr egwyddor o rymuso teuluoedd yn hytrach na thrwsio plant. Mae TESSA yn dod â chyfuniad unigryw o gymorth cyfoedion (mae pob teulu'n gysylltiedig â phartner sy'n rhiant ac yn fabwysiadwr profiadol) a mynediad at seicolegydd clinigol ynghyd yn gynharach o lawer nag y byddai'n digwydd fel arfer. Mae'r seicolegydd yn defnyddio ei wybodaeth arbenigol am drawma cynnar a'i effaith ar ddatblygiad plant i helpu'r rhieni i wneud synnwyr o ymddygiad y plentyn yng ngoleuni ei brofiadau yn y gorffennol. Yna anogir rhieni i ailystyried eu hymatebion eu hunain i'r ymddygiad hwnnw. Y gred yw y bydd yn bosibl, trwy ddarparu'r ymyrraeth hon yn gynnar, i leihau'r angen am fewnbwn seicolegol llawer drutach a hir dymor nes ymlaen.

Y canlyniadau a ragwelir i'r teuluoedd yw y bydd o leiaf 80% o rieni yn adrodd am fwy o wybodaeth a dealltwriaeth o ymyriadau therapiwtig sy'n briodol i'w plant ac y bydd o leiaf 80% o ysgolion yn adrodd gwybodaeth well ac yn teimlo'n fwy hyderus wrth weithredu cynlluniau cymorth i blant yn dilyn ymgynghoriadau.

Y canlyniadau a ragwelir ar gyfer rhanbarthau mabwysiadu yw y bydd teuluoedd yn dod yn fwy medrus ac yn fwy gwydn gyda'r wybodaeth sydd ei hangen arnynt i gefnogi eu plant yn y dyfodol. Byddai hyn yn lleihau'r ddibyniaeth ar becynnau

cymorth drud a hirhoedlog yn ddiweddarach yn y daith fabwysiadu. Pan fydd angen ymyrraeth arall bydd gan y deulu adnoddau gwell i geisio'r cymorth cywir gan iechyd neu addysg.

Mae gan bob Rhanbarth gydlynedd TESSA ar waith ac maent wedi galluogi mwy na 90 o deuluoedd i gael mewnbwn gan TESSA.

Teuluoedd sy'n derbyn gwasanaethau TESSA				
Canolbarth a Gorllewin Cymru	Gogledd Cymru	De-ddwyrain Cymru	Y Fro, y Cymoedd a Chaerdydd	Bae'r Gorllewin
8	5	29	23	25

Gyda chymorth y swydd Cymru Gyfan darparwyd y gwasanaethau canlynol:

Gwasanaeth Cymru Gyfan:	Pwy a Elwodd?
Cymorth uniongyrchol NVR un wrth un	2 riant
Sesiynau lles gwell	17 o deuluoedd
Sesiynau drama mewn pyjamas	48 o deuluoedd
Sesiynau sgiliau syrcau	4 o deuluoedd



Mae'r [Gwasanaeth Cysylltu](#) yn wasanaeth ledled Cymru ar gyfer plant a phobl ifanc sydd wedi'u mabwysiadu. Fe'i harweinir gan Adoption UK a'i ddarparu drwy bartneriaeth rhwng Adoption UK a'r gwasanaethau mabwysiadu rhanbarthol. Mae'n cynnwys 4 elfen:

1) **Grwpiau Cysylltiedig**

Mae plant a phobl ifanc rhwng 7 a 25 yn cyfarfod ar-lein ac wyneb yn wyneb (pan fydd Covid yn caniatáu) lle y gallant gael hwyl, magu eu hyder a gwybod nad ydynt ar eu pennau eu hunain yn eu profiadau o fabwysiadu.

- 2) **Cysylltu** - rhaglen o godi ymwybyddiaeth am fabwysiadu ymhlith gwasanaethau iechyd prif ffrwd.
- 3) **Cysylltiad** - gwasanaethau gwybodaeth gwell ar gyfer plant a phobl ifanc sydd wedi'u mabwysiadu.
- 4) **Llysgenhadol Cysylltu** - yn cefnogi plant a phobl ifanc i leisio'u barn o ran polisiau a chynllunio.

Mae'r buddsoddiad yn ariannu nifer o weithwyr ieuenctid a swyddi rhanbarthol i gefnogi grwpiau cysylltiedig lleol.

Gwasanaeth Cymru Gyfan	
Sesiynau ar-lein gydag unigolion a grwpiau o blant	Wedi datblygu deunyddiau gwybodaeth ar gyfer pobl ifanc.

Wedi datblygu grŵp ar gyfer pobl ifanc 18-25 oed	Wedi datblygu pecyn croeso i deuluoedd
Mae 58 o blant wedi mynychu sesiynau cysylltiedig trwy 58 sesiwn ar-lein a 3 sesiwn wyneb yn wyneb	Mae 119 o blant ar y gofrestr Cysylltiedig

Mae'r buddsoddiad wedi ariannu ystod eang o wasanaethau cymorth mabwysiadu o fewn y gwasanaethau cydweithredol rhanbarthol.

Deunyddiau Taith Bywyd

Mae'r cynnwys Deunyddiau Taith Bywyd ar wefan GMC

https://adoptcymru.com/home.php?page_id=48&setLanguage=2 wedi'i ail-drefnu, yn seiliedig ar adborth gan ddefnyddwyr. Mae'r rhanbarthau wedi buddsoddi mewn swyddi i gydlynu gwaith taith bywyd yn ogystal â darpariaeth uniongyrchol.

Mae perfformiad yn parhau i wella.

- Mae 78% o blant yn cael llythyr bywyd diweddarach drafft a llyfr stori bywyd drafft ar waith gan eu panel paru
- Erbyn eu hail adolygiad mabwysiadu mae 74% o blant wedi derbyn gwaith uniongyrchol mewn perthynas â choed achau, llinellau amser, llyfrau stori ac eco-fapiau a llythyr bywyd diweddarach, yn ogystal â llyfr stori eu bywydau neu waith stori bywyd uniongyrchol er mwyn helpu'r plentyn i ddeall ei orffennol.

Teuluoedd Biolegol

Cafodd swyddi newydd eu sefydlu i ddarparu:

- Cymorth uniongyrchol i rieni biolegol ar bob cam o'r broses fabwysiadu;
- Galluogi rhieni biolegol i gyfrannu at hyfforddiant paratoi'r mabwysiadwr;
- Cysylltiadau a'r gwasanaeth Myfyrio;
- Cymorth gwell i rieni biolegol gan ddefnyddio'r gwasanaeth cyswllt blwch postio

Gwasanaethau Therapiwtig

Cafodd swyddi eu sefydlu i ddarparu:

- Hyfforddiant a chymorth (o bell ac wyneb yn wyneb) gyda: Theraplay, gwaith stori bywyd therapiwtig, chwarae sy'n seiliedig ar berthnasoedd, rhaglen rianta, seicotherapi datblygiadol dyadig, cymorth pontio, storïau cyfochrog, rhianta therapiwtig, blwch postio gyda theuluoedd bioleg, hyfforddiant synhwyrdd, llythrennedd emosiynol, hyfforddiant emosiynol, technegau adeiladu hunan-barch, technegau rheoleiddio emosiynau trwy gemau ayyb., chwarae therapiwtig, bondio gyda babanod, chwarae ymlyniad rhieni a phlant, diwrnodau gweithgareddau, grwpiau cymorth, cylchlythyrau;
- Gwasanaethau seicolegydd clinigol; ac
- mae 66 o atgyfeiriadau am gymorth therapiwtig wedi'u derbyn.

Cyswllt

Sefydlwyd swyddi er mwyn:

- Adolygu trefniadau cyswllt;
- Gwella cysylltiadau â rhieni biolegol, weithiau drwy gydweithio;
- Hyrwyddo a hwyluso cyfarfodydd rhwng y mabwysiadwr a'r teuluoedd biolegol; a
- Gwella'r gwasanaeth cyswllt blwch post sydd ar hyn o bryd yn cefnogi dros 3,800 o drefniadau blwch postio.

Recriwtio

Cafodd swyddi Swyddogion Marchnata a Recriwtio eu sefydlu mewn dau ranbarth sy'n golygu bod y swydd hon yn nodwedd gyson ar draws yr holl wasanaethau rhanbarthol. Mae'r swyddi'n cyfrannu at wella'r broses recriwtio ac mae'r llwyddiant wedi'i adlewyrchu yn y data sy'n dangos ymholiadau gwell ac asesiadau wedi'u cychwyn.

Hyfforddiant

Mae llawer wedi'i wneud i gefnogi anghenion hyfforddi a datblygu staff a theuluoedd biolegol, ac mae rhai ohonynt wedi'u hail-ffocysu oherwydd Covid 19.

Ar lefel genedlaethol cafodd y 12 modiwl hyfforddi ôl-gymeradwyo GMC eu cyhoeddi ar y wefan genedlaethol. Yn seiliedig ar adborth gan rieni mabwysiadol ac yn ymwneud ag ystod eang o bynciau, maent yn rhoi gwybodaeth a mewnwleidiad ar y pynciau a'r meysydd bywyd teuluol y dywedodd mabwysiadwyr y byddai'n ddefnyddiol. Cawsant eu rhoi ar ein gwefan ym mis Ebrill felly y gallai mabwysiadwyr gael mynediad atynt yn uniongyrchol pe dymunant a ble mae arweiniad ar sut y dylid eu defnyddio.

[Gwasanaeth Mabwysiadu Cenedlaethol - Modiwlau Hyfforddi i Fabwysiadwyr \(adoptcymru.com\)](https://adoptcymru.com)

Ar draws rhanbarthau ac AMGau mae ystod eang o weithdai ar-lein, e-ddysgu, gweminarau, hyfforddiant arbenigol a sesiynau briffio wedi'u cyhoeddi a'u darparu ar draws amrywiaeth o bynciau. Mewn rhai ardaloedd mae rhagor o ymgynghori wedi arwain at raglenni hyfforddi wedi'u teilwra am y flwyddyn yn cael eu datblygu yn ogystal â logiau hyfforddiant unigol a mabwysiadwyr yn cyfrannu at ddarparu hyfforddiant.

Canllawiau Arfer Da

Mae gwaith wedi parhau, trwy'r contract gydag AFA Cymru, i derfynu a lansio pedwar canllaw arfer da. Mae'r rhain yn canolbwyntio ar newid arfer mewn pedwar maes allweddol gan ddefnyddio tystiolaeth a modelau arfer sy'n cael eu llywio gan drawma a'i harwain gan ymchwil:

- Cyswllt:
- Gweithio gyda Rhieni Biolegol
- Pontio a Chymorth Cynnar, a
- Chymorth Mabwysiadu

Deall y Plentyn

Cafodd y model 'Deall y Plentyn' ei ddatblygu gan un o'n rhanbarthau De-ddwyrain Cymru ac chaiff ei ddefnyddio i gefnogi cyflwyno, lleoli a chefnogi'r plentyn yn gynnar

i mewn i'w deulu newydd. Mae'r ymagwedd yn cael ei argymhell trwy'r canllawiau arfer da y cyfeirir atynt uchod.

Mae wedi'i wreiddio mewn arfer sy'n seiliedig ar ymchwil o drawma datblygiadol, datblygiad ac ymlyniad plant er mwyn helpu rhieni a gweithwyr proffesiynol i ddeall beth oedd yn digwydd o bosibl i'r plentyn yn ystod ei fywyd cynnar a'r effaith y cafodd hyn o bosibl ar ei ddealltwriaeth o'r byd a'i ymddygiad er mwyn datblygu ymagweddau rhianta therapiwtig.

Mae'r rhanbarth hwn wedi defnyddio buddsoddiad i ehangu eu gwasanaeth deall y plentyn (DyP) sydd wedi'u galluogi i ddefnyddio' ymagwedd gyda mwy o blant a'u teuluoedd. Cafodd yr ymagwedd hon ei defnyddio gyda thua 25 o leoliadau newydd hyd yn hyn eleni yn ogystal ag ar gyfer gwaith dilynol gyda phlant sydd eisoes mewn lleoliadau. Mae'r gwasanaeth hefyd wedi cynhyrchu canllawiau ar waith uniongyrchol i staff a gofalwyr maeth. Mae'r cymorth seicoleg ychwanegol gan Fwrdd Iechyd Aneurin Bevan hefyd wedi cefnogi hyfforddiant a chymorth mewn grwpiau i staff ac wedi rhannu cyngor a chanllawiau ar-lein drwy weminarau i wasanaethau ledled Cymru.

b. Parhau i godi ymwybyddiaeth o fabwysiadu ymhlith gweithwyr proffesiynol a'r cyhoedd

Cafodd yr ymgyrch recriwtio 'Y Rhiant Sydd Ynot Ti' ei hail-lansio a chafodd ei chynnal rhwng mis Gorffennaf a mis Hydref 2020 ac mae'n parhau'n llwyddiannus.

Cyfanswm Canlyniadau

Dyma rai o'r uchafbwyntiau o'r ymgyrch hon.



David
Cyflenwr modular a mabwysiadwr
Automotive supplier and adopter

Darganfyddw'r rhiant sydd ynot ti
Cysyllta â'r Gwasanaeth Mabwysiadu Cenedlaethol heddiw ar adoptcymru.com

Become the parent only you could be
Contact the National Adoption Service today at adoptcymru.com

adoptcymru.com

Rydym yn parhau i fod yn ddiolchgar am byth i'n Hyrwyddwyr Mabwysiadwyr o ledled Cymru, gan gynnwys rhai mabwysiadwyr ychwanegol a ymunodd ar gyfer ail gyfnod hwn yr ymgyrch, er mwyn ein cefnogi unwaith eto i ddangos mabwysiadu mewn ffordd mor realistig a chadarnhaol.

Mae ymholiadau cychwynnol i'r gwasanaeth yn parhau i dyfu yn ogystal â nifer yr asesiadau ar fabwysiadwyr sy'n dechrau.

Digwyddodd 'Pride' yn ystod cyfnod yr ymgyrch. Llwyddom i barhau â'n cefnogaeth o'r digwyddiad hwn trwy gymryd rhan yn y gweithgareddau 'ar-lein'.

Pride

We organised sponsorship for this year's virtual Pride event and updated the campaign materials for an LGBTQ+ audience which was shared across both ours and Pride's channels.

Our post about same sex adoption was one of the top performing posts this year.

NationalAdoptionServ @nas_cymru · Aug 29
Did you know 1 in 7 adopters in Wales are same sex parents? 🏳️🌈💖
We're thrilled to be supporting this year's #PrideCymruBigWeek and want to encourage more LGBTQAI+ people to get in touch with us to start their #adoption journeys.

More info here: bit.ly/2tds1fF



Pride Cymru and 5 others

23 56



Home Markets and Community Area Support and Services

National Adoption Service

Can I adopt in Wales and to same sex parents?

It doesn't matter how old you are, your sexual orientation, whether you own your own home or if you're single, almost anyone is able to adopt.

This National Adoption Service is looking for people who can give children the safety, security and love they need and wants to hear from you.

Complete your local adoption agency to find out more about adoption and take the first steps to a happy adoption journey.

Wedi i bwrdd i mabwysiadu yng Nghymru i newid yn ffigi.

Nid oes o'r parhau'n gysylltu gyda'r gwasanaeth mabwysiadu i newid yn ffigi. Nid oes o'r parhau'n gysylltu gyda'r gwasanaeth mabwysiadu i newid yn ffigi.

Darganfyddw'r rhiant sydd ynot ti.

Cysyllta â'r Gwasanaeth Mabwysiadu Cenedlaethol heddiw.

Blaenoriaeth 3 - Meddwl i'r Dyfodol

a. [Gweithio i wella'r fframwaith cyfreithiol, polisi a thystiolaeth sy'n effeithio ar fabwysiadu](#)

Ffocws sylweddol ers mis Ebrill 2020 oedd gweithio gyda Llywodraeth Cymru i alluogi gwasanaethau i barhau yn ystod y pandemig. Darparom ystod o gyngor iddynt ar faterion mabwysiadu gan gynnwys:

- Cytunodd Llywodraeth Cymru i ymlacio'r ffordd y cafodd y broses dau gam newydd ar gyfer asesu a chymeradwyo mabwysiadwyr ei gweithredu o 1 Ebrill. Galluogodd hyn i ni barhau i asesu ymgeiswyr newydd ac wedyn mae Llywodraeth Cymru wedi ymgynghori ar newid y Rheoliadau er mwyn parhau â hyn hyd y gellir ei ragweld.
- Cytunwyd a gweithredwyd proses ar gyfer asesiadau Meddygon Teulu 'rhithwir' sy'n galluogi ochr feddygol asesiadau i barhau.
- Llywio'r canllawiau i'r sector ar weithredu gwasanaeth yn ystod Covid.

b. [Parhau i gyd-gynhyrchu a defnyddio gwybodaeth am ymgysylltu](#)

Mae'r GMC yn falch iawn o'r podlediadau 'Truth Be Told'. Cytunodd grŵp o fabwysiadwyr o ledled Cymru i rannu eu profiadau gyda'i gilydd - o'r camau cyntaf i gymorth ôl-fabwysiadu. Nid oed neb yn adnabod ei gilydd cyn y recordiad ond o fewn eiliadau mae fel gwrandio ar hen ffrindiau'n siarad. Maent yn chwerthin gyda'i gilydd, maent yn crio gyda'i gilydd.

[Gwasanaeth Mabwysiadu Cenedlaethol - Truth be Told - cyfres o bodlediadau ar fabwysiadu \(adoptcymru.com\)](#)



Diolch i'n mabwysiadwyr am neilltuo'r amser i greu cyferbwyntiau mor ddefnyddiol i fabwysiadwyr y dyfodol. Rydym yn gwybod eu bod eisoes yn helpu pobl eraill.

c. Annog datblygu dealltwriaeth o'r gweithlu a sgiliau i gwrdd â blaenoriaethau'r GMC



Comisiynoddy GMC AFA Cymru i ddatblygu'r 4 canllaw arfer da: cyswllt; pontio a chymorth cynnar; gweithio gyda rhieni biolegol; a chymorth mabwysiadu. Diolch i AFA Cymru a staff yn y Rhanbarthau am ddatblygu'r canllawiau hyn sydd o ansawdd uchel a diolch yn arbennig i Jess Coldrick am ddylunio'r cloriau.

Cânt eu lansio ym mis Tachwedd 2020 a chânt eu dilyn gan raglen weithredu. Gellir dod o hyd iddynt ar wefan y GMC [National Adoption Service - \(adoptcymru.com\)](https://www.adoptcymru.com)

Hefyd comisiynodd y GMC AFA Cymru i gynhyrchu tair gweminar i gefnogi staff a oedd yn gweithio mewn ffyrdd gwahanol. Mae'r rhain yn canolbwyntio ar:

- y cyd-destun cyfreithiol
- asesu mabwysiadwyr yn rhannol o bell a
- chynllunio i symud plant ymlaen

Maent ar gael ar wefan AFA Cymru

[Mabwysiadu yn ystod Covid-19 - AFA Cymru](#)

d. Symud ymlaen o'r trefniadau cyfnod cloi Covid-19 i'r cyfnod adfer/addasu.

Mae gan y GMC fframwaith ar gyfer 'Parhau â Gwasanaethau yn ystod ac ar ôl Covid19'. Gan ymgorffori egwyddorion a ddatblygwyd gan Lywodraeth Cymru, mae wedi'i ddylunio i:

- ddarparu map ffyrdd realistig a chyson er mwyn parhau a gwasanaethau mabwysiadu, addasu a mabwysiadu ffyrdd newydd o weithio a dysgu gan y profiadau cadarnhaol y mae'r amgylchedd newydd wedi'u hachosi; a
- darparu egwyddorion gweithio y gall asiantaethau mabwysiadu rhanbarthol, awdurdodau lleol a phartneriaid eu mabwysiadu neu ddiwygio/teilwra ar gyfer eu sefydliadau.

Mae'n darparu templed defnyddiol i staff/gwasanaethau pe bai rhagor o gynnydd o ran Covid-19 a phe bai rhagor o gyfyngiadau cenedlaethol neu leol yn cael eu gorfodi. Rydym yn gwybod bod gwasanaethau wedi'i weld yn ddefnyddiol a'i fod wedi cael ei addasu i'w ddefnyddio gan wasanaethau gofal cymdeithasol plant eraill.



Gwasanaeth
Mabwysiadu
Cenedlaethol

National
Adoption
Service

Tîm Canolog y Gwasanaeth Mabwysiadu
Cenedlaethol
d/o Cyngor Caerdydd,
Neuadd y Sir, Glanfa'r Iwerydd
Caerdydd, CF10 4UW

Ffôn: 029 2087 3927

e-bost: cyswllt@adoptcymru.com

www.adoptcymru.com